

紫阳真人悟
真直指详说
三乘秘要

翁葆光

文硕阁

wenshuoge.com

目录

关于我们	3
紫阳真人悟真直指详说三乘秘要	5

版权声明

本书版权保护已经过期，属于公版书！并由"文硕阁"网站的用户制作并发布于文硕阁 网站内,请大家在“合理使用”范围内使用

这本电子书可供中华人民共和国（the People's Republic of China）和世界上大多数其他地区的任何人免费使用，几乎没有任何限制。您可以根据本文件中包含的"传硕公版书许可条款"中的授权许可进行复制、赠送或改编它。

如果您不在中华人民共和国，您必须在使用本电子书之前查看您所在国家/地区的法律。

什么是公版书？

根据我国现行「著作权法」第 20、21 条的规定，除署名权、修改权、保护作品完整权外，中国公民对其著作的法定权利均于作者死亡后第五十年的 12 月 31 日截止。超过著作权法保护日期后，其作品就进入了公有领域（公共版权）

这种因作者死亡超过 50 年而丧失发行权、改编权等著作权利的书籍，就称为“公共版权书籍”，简称“公版书”。

传硕公版书保护计划

中华文明5000多年绵延不断、经久不衰，在长期演进过程中，形成了中国人看待世界、看待社会、看待人生的独特价值体系、文化内涵和精神品质，这是我们区别于其他国家和民族的根本特征，也铸就了中华民族博采众长的文化自信。

文化是一个国家、一个民族的灵魂。文化兴国运兴，文化强民族强。

所以我们发起了公版书保护计划。来帮助把中国五千年的文明硕果进行电子化并服务于大众，我们网站所有内容都是免费、自由、无版权的。对所有的读者免费！

使用 **文硕阁** 中的公版书 不需要获得许可（在中国，这属于“合理使用”）。这适用于所有用途，包括商业用途。换句话说，即使是商业盈利用途，也无需支付版税。

我们希望能有更多的用户加入到文硕阁网站中来，让我们一起来保护传承文明的硕果。

源浚者流长，根深者叶茂。文化自信是一个国家、一个民族发展中最基本、最深沉、最持久的力量。

如何联系我们？

网站：www.wenshuoge.com

邮箱：7sbook@duck.com



(扫码访问网站)



(扫码加客服微信)

紫阳真人悟真直指详说三乘秘要

经名：紫阳真人悟真直指详说三来秘要。一卷，题翁葆光述，出于南宋，编成于元代。底本出处：《正统道藏》洞真部玉诀类。

悟真直指详说

象川无名子翁葆光述

夫混沌未显之前，虚无寂寞，无名可宗，强名曰道。道降而生一气，非动非静，非浊非清，邈不可测，圣人强言，谓之混元真一之气。一气既判，化为阴阳。阴阳者，天地也，男女者也。天地捆缢，万物化醇。男女媾精，万物化生。故自有天地以来，未有一物不因阴阳相交而得其形者。夫欲修炼者，若以金石草木之象名，万有不同之器类，以至一身精神气血液之属，而为丹质者，此皆后天地生滓质之物也。滓质之物有形可睹，安能生有形而入於无形也哉。后天地生者也，皆不离乎天地之内，而有形者未尝不坏，安能变化而超乎天地之外也哉。不超乎天地之外而有形者，未始不堕於阴阳生死之数者也。夫阳主生，阴主死，一死一生，一往一复，此理之自然也。设使锻炼得法，服饵有功，寿等龟龄，年齐鹤算，及其数尽，未有不亡。若箭之射空，力尽必坠，谓其有形未有不坏之理也。是故圣人采先天一气为丹，炼形还归於一气，炼气归神，炼神合道，而归於无形之形，故能超乎天地之外，立乎造化之表，掌握阴阳，挈提天地。阴阳生死之所变者，九天一气使之然也。故得丹体，常灵常存，不生不灭矣。譬犹运瓷，处瓷之内，焉能运瓷。必也处瓷之外，则能运瓷矣。真一之气，生於天地之先，邈不可测，圣人以同类之物诱之成丹。亦犹日中有火，以阳燧引之，则得其火矣。又如月中有水，以方诸引之，则得其水矣。故緼同类之物，立为炉鼎，号曰真龙真虎。故吕公词有自然炉鼎虎绕与龙蟠之语也。夫同类者，无情之情，不色之色也。万物之中，得其性命之正，为灵为贵之最者也。假如初弦之气也，运而用之，故号曰真铅、真汞也。仙翁曰：时人要识真铅汞，不是凡砂及水银。乃初弦铅之气也。初弦者，上下弦二八之数也。龙称八雨，虎重半斤，所以谓之二八也。此时水源至清，有气而无质者也。以此气类而诱之，则真一之气降灵而有象也。仙翁曰：药逢气类方成象，道在虚无合自然也。夫炼此金丹，先求名山福地，次创丹室数椽，坛筑三层，剑卓四面，悬之以镜，方乃立龙虎为鼎炉，置刻漏为规矩，抽添有水火之则，作用有辅弼之俦。如此之类，未易敷陈，亦假世财，方克就绪。故阴真君论曰：欲修此道，须假资财。如无资财，则修金丹不成。又须三人为倡，方可修炼。三人同心，一志之良友也。密当八月首望之宵，一阳初动之际，当先主者禹步登坛，左手擒龙，右手擒虎，精调气候，数按周星，一作天正配阴阳，息符刻漏，故得金水交并，龙木孕英矣。一者坐握运筹，经文纬武，而继其中问首尾之所施，不使毫厘差惑。故仙翁曰：大都全藉修持力，髦发差殊不作丹也。一者潜窥刻漏之的，密整抽添之用，准备火工无失，复卦逾时过刻，丹必难成。故朝元子曰：劝君穷取周天数，莫使差跬复卦催。三人一心，递互

相符，不半时辰，立得真一之气归于交感之宫，结成一粒，大如黍珠，号曰金丹。现在北海之中，赫然光透帘帟，即时密运模娜以追之。才得入口，则立跻圣位矣。故仙翁曰：一粒金丹吞入腹，方知我命不由天。得此一粒，镇在丹田气海之中，则一身精气翕然而归之，立结成砂而不失走。然后运火锻炼，成金液还丹。夫火者，阴阳之气也。阳数奇，阴数偶。自子至巳六辰属阳，故谓之阳火。自午至亥六辰属阴，故谓之阴符。乾之策二百一十有六，坤之策一百四十有四。二篇之中，夺得四千三百二十年正气，归我丹田之中，温养子珠，结就圣胎也。老君曰：阳奇自子生，阴偶从午发。终始在乾坤，中冥母胎月。故得外精，阴阳之火内生，金液之质，不假施功，自然运转，从尾间历历然有声，直透双关，逆上泥丸峰顶，降下口中，状如雀卵，馨香甘美，此乃金液还丹也。徐徐咽下丹田，结成圣胎，养就婴儿。故仙翁曰：婴儿是一含真气，十月胎圆入圣基。盖凡胎十月降诞，圣胎亦然。十月火备功圆，脱胎而化形，为纯阳之体，寒暑饥渴不能为恼，方可换於探山穷谷之中，或卑污僻陋之所，面壁九年，以空其心，无人无我，心境一如，故谓之神仙抱一也。正释子收牛之时，惟识心见性者抱之，则斯道弘矣。九载功备，无为之性自圆，而慧自生。纯阳之体自妙，而神自灵。故得性命，与道合真而无形矣。无形之形，随物现相，遇风则风，遇雨则雨，遇水火则为水火，遇飞走草木，变化不测，倏存倏亡，瞻之在前，忽焉在后，故能分身百亿，应现无方心若一月之照万水，无不周遍。是以随绿赴感，靡所不应。原其至真之躯，处於至静之城，实未尝有作者。此乃神形性命，与道合真，而同归於究竟寂空之本源也。故圣人强名之曰九转金液大还丹也，又曰金刚不坏之躯，乃为无上至真之妙道也。仙翁独弘斯道，故以真金妙色之身，证其巍巍堂堂真金慈相，普现法界，救度众生。故示刘奉真之徒以性道无生而入寂，后现真身於王屋山中，示二命道不灭而圆通。故於元丰五年三月初五日尸解之时，乃留偈曰：一灵妙用，法界圆通。此非性命之道双圆，形神之真俱妙，岂能与於此。其板世亦九十六载矣，平时宏阐玄微，吟咏情性，言辞典雅，汲引后来，自目其篇曰《悟真》。悟真云者，性命之真也。又恐后学惟知命道而不知尽性，惟知性道而不知养命，故有了悟真如之一绝，丹是色身妙宝之一词，启发高明之士，大根器之人，俾知性命之道，咸获究竟圆通，迴超三界，此非无得大悲平等之心智慧智圆者，孰能如是哉。愚虽识见暗昧，颇得仙翁之密旨，故精研是篇，而漏其精机十已八九矣。探虑同好之士，金丹源流所自，於是原始要终，冒犯天谴，直指悟真之坦途。倘有夙骨合仙者，径直入悟真之门，寻无为於一黍之珠。若於外觅，则不可以冀其有所得矣。昔元始天尊悬一宝珠，大如黍米，在空玄之中，无鞅圣众勃勃俱自珠口而入者，即此金丹之一粒也。一粒如黍，包含万象，囊括三才，其大无外，其小无内，一旦古迄今，高真上圣证此道者，不可胜举，孰不由此一黍而证无上之大道者。此道至简至易，苟非真师指示，则莫能晓其深根固蒂者。根蒂识矣，苟非巨有财力者，则亦莫能成其功而着其事也。功事着矣，苟非明心见性，则亦莫能臻於抱一之妙也。抱一既妙，则性命之道至矣，不可复有以加矣。是故命道，莫不有传於师指而后明，修持而后着也。若夫性道则不然，不由外至者也。苟非见闻知识於外者，则堕於中小之规，而不彻其听莹之至者也。惟於自己胸中，自悟自明，方能尽其性道，而得所谓最上第一乘者也。吁，性道之中，非有悟有明

也，悟无所悟、明无所明而已。非有尽有得也，尽无所尽、得无所得而已。最上第一也，上无所上、一无所一而已。学者倘达师旨，手握天机，毁炼神丹，脱胎换骨，更无明心达本、了悟真空、直超最上之乘，径入无为之境，则形神俱妙，性命交圆，驾鹤繆鸾，乘龙跨凤，共为蓬闾之游必矣。

强兵战胜之卫

夫强兵战胜之术者，乃炼金丹之旨也。夫炼金丹者，每以中秋初夜，一阳动时，坐镇魁呈，坛升三级，左擒龙而审定鼎弦，右捉虎而精调火候。一文一武，交争战於玄门。一去一来，互斗危於pin户。息符刻漏，数应周天，无令毫发差殊，故曰强兵战胜之术也。夫兵者，龙虎也。战者，交媾也。不一时辰，立获金丹入口，战胜之术着矣。故《西华经》曰：强兵战胜，在养玄珠之功也。是以仙翁首列一十六首者，以明龙虎，各一、八之数。五言四韵一首者，以表一时得金丹一粒也。此余所以分为上卷，表而出之，以明强兵战胜之术，则采金丹之功集然明白矣。

富国安民之法

夫富国安民之法者，乃运阴阳符火之旨也。夫人道无形，肇生一气，一气混沌，判为阴阳。故至阳之气轻清，覆冒於上者，谓之天。至阴之气重浊，负载於下者，谓之地。积诸纯阳之气，飞升於天者，仙也。积诸纯阴之气，沉沦於地者，鬼也。禀一阴一阳之气，不升沦之躯，处於天地之中，可仙可鬼者，人也。人能修炼，剥尽草阴，而形化为纯阳之气，则升仙矣。不知修炼，日耗六阳，而体化为纯阴之气，则为下鬼矣。《易》曰：本乎天者亲上，本乎地者亲下。亦各从其类也。是以圣人仰观俯察，知人禀天地之秀气，为灵、为贵、为最，故假真阴真阳之二物，夺先天地之一气以为丹，饵归丹田气海之中，以御一身后天地生之气，则一身之气翕然而归之，若万邦之朝於君，众星之拱北也。如人因父母交感之精而有此身，是以盗阴阳纯粹之气而为化基，号曰阴符阳火。循环六十卦之中，周而复始。回七十二候、二十四气於一日一夜之中，夺得四千三百六十之正气，辐赓於丹田气海之中，温养丹珠。其丹处於中宫，元为而静应，故得外接阴符阳火，生真一神躯。十月脱胎，而形化纯阳真一之气。饥渴不能挠，寒暑不能侵，故为富国安民之法也。夫国者，身也。民者，精气也。民为邦本，本固邦宁。邦若无君则民罔归，君若无臣则民罔治。是以圣人以丹为君，以火为臣，丹火相须，君臣庆会，则天下平治，精固民安，故一身之国富矣。《西华经》曰，. 精完气足，所以富国民安，正在饵金丹之后也。是以仙翁续述绝句六十四首，按《周易》六十四卦者，明运火爻之计也。又续成《西江月》一十二首，以象运火沐浴，共十有二月之功也。此余所以分为中卷，以明运火之法、富国安民之意。盖修丹之序，当如是尔。

神仙抱一之道

夫神仙抱一之道者，乃圣人运火功圆之时也。形化纯阳之气者，身投僻陋之隅，面壁九年，抱一以空其心，心定神化，与道冥一。赞曰：道为性命，本性是心源。心性同体，变化无边。百姓日用，亦曰自然。若能了悟，忘象忘言。虚心实腹，抱一而迁。功成九转，乃得神仙。此其旨也。夫九转者，九年也，九乃阳之极数也。一者，道之强名也。抱者，抱无所抱也。神仙当此之时，瞋肢体，黜聪明，离凡圣，齐物我，毋固毋必，无取无舍，心境如一，逍遥自在，故得泰定，发乎天光。九载功圆，则无为之性自圆，无形之神自妙。神妙则变化无穷，隐显莫测。性圆则慧照十方，灵通无破，故能分身百亿，应显无穷。而其至真之体，处於至静之域，板然而未尝有作者，此其神性形命俱与道合真矣，故谓之神仙抱一之道也。昔仙翁道成之后，示刘奉真之徒以无生而入寂。既入寂矣，而又现其身於王屋山中者，即斯道也。昔如来涅槃后，自涌金棺於空中，化三昧火。既焚其身矣，因母哭而不已，又现金身空中，为说半句偈者，亦斯道也。昔达磨面壁九年，既入灭矣，又携只履西归，并化焚身巨焰。形既然矣，而铎声犹撼於空中。若·此之辈流，未易该举。倘性命双圆，形神俱妙，孰能如是。是故仙翁毕其卷末而以禅宗性道者，实明神仙抱一之道也，故余分为下卷。原夫性之道，虚无广漠，默默昏昏，无可得而形容以言之也。人与非人，悉皆平等，无有高下，但以无始以来，凡有形与名、与夫无有形而名者，未尝有一物不圆成具足，以其本然自有清静具足，故未始有可得而形容以言之也。然而大藏乃有五千四十八卷者，此皆圣人以人味道之，甚不获己而强言之也。欲人因言以明道，道明则言语俱成非矣。故《金刚经》云：如来有所说法，即为谤佛。是以有言，皆是谤也。今则仙翁歌咏性道，亦不获己而言之，固已赘矣，此余所以不复加之解释者，不欲为画蛇添足也。惟愿猛烈高上之士，不由外得，直於自己胸中自悟自明，卓然独耀，直下承当，受用将去，不问喧静语默，酒肆花衢，恁么也得，不恁么也得，头头无别，处处和谐，尽十方世界，具一只眼，出一只手，妙用纵横，四通八达，盖天盖地，随处运动而莫非真，随所施为而无不可，则知这裏本来天性具足，无欠无余，拟议俱弛矣，能所俱忘矣，无问无应，无思无虑，虽性之一字，抑亦用不着也。

三乘秘要诗

金丹卫

大哉一黍兆虚无，降本流形复卦初。

两片乾坤资造化，一觔日月运机枢。

周星息数微微数，进火神功的的符。

烧罢半辰文武火，赤龙夺得夜明珠。

运火法

一珠餌罢地交天，两剩玄关火炽然。

六十卦循朝与暮，九重城裏汞烧铅。

抽添运用须防险，沐浴停符不使姻。

功备脱胎完十月，元中养出大罗仙。

抱一法

丹即荃蹄道即鱼，忘荃得道证空虚。

莫坚守抱无为，一，扑碎虚空一也无。

妙有灵光常赫赫，含容法界自如如。

随绿赴感常清静，九载金刚不坏躯。

夫泛景大霞，飞升金阙，言存盖简，事出尘寰，彼世俗之人不能深信。尝观《总仙集序》以为：自昔冲举者十万余人，拔宅者八千余家。刘向在汉为汉儒宗，亦作《列仙传》以贻后世，则知神仙非诞明矣。然世俗所以不信者无他，天机玄奥，仙圣秘密，习薄人浮，诚不接於耳，无怪其不信也。昔太上说《常清静经》，首言大道无形，生育天地。大道无情，运行日月。以至长养万物，陶铸群生，亦归於混元元名之始。先圣之原人者至矣，继而申之以天地男女、清浊动静之理，详及於清心寡欲、湛然常寂之妙，无非显示天机密示玄旨也。殆其终篇，为能以悟之者，可传圣道究极之说。得於仙人葛公之语，则口口相传，不记文字。嗟夫，淳风一离，习俗浅薄，仙尘杳隔，此道无传，异说虽多，同归渺藐。因是采取铅之法，不形於竹帛之问。结胎育婴之妙，深锁於金匱玉函之中。学仙之子皓首穷年，终无由得其髻佛。圣宋龙兴，异人间出，紫玄真人张公少游辟雍，夙稟灵骨，立志精勤，艰辛不替，得道於青城丈人，尽得金丹奥旨。罄其所遇，发为歌咏，自名其书曰《悟真篇》。愚幼而读之，潜心深思，徧参众说，无所发明。或指为丹宠之术，或讹为内御之说。抚篇浩叹，积年于兹。有幸自天得遇紫阳仙翁、陈公亲传《悟真》、适孙无名真人《释义》，密以见授，焚盥庄诵，恍然如雾散云收、日明月朗，口诀心要，未敢叩击，已知生天生地之机，运行日月之道与。夫长养万物，陶铸群生，不出於真阴真阳、上下二弦之气。至於运用抽添、防危虑险，灿灿然在目睫间。倘能遭遇真传，得兹妙道，生育胎仙，超凡入圣，谅不虚度此生。甫得入手，踊跃欣庆，敬依泓颖，题诸卷末。时圣宋嘉泰甲子中秋白云子谨叔。

悟真篇本末事迹

张真人本末

紫阳真人，乃天台纓络街人。先名伯端，字平叔，后名用成。少无名不学，浪边云水。晚传混元之道未备，孜孜访问，徧历四方。熙宁中，陆公龙图锐镇成都，乃依以游蜀，任四川节度制置使安抚司参议。於己酉岁，遂遇异人传火候之秘，其道乃成。仍戒之曰：他日有与汝脱繯锁者，当受之。既而三传，每罹灾患，仍深自悔责，遁世忘言，着《悟真篇》八十一章，尽述二丹之秘。其议论大旨则深嫉世之学者专门各宗，三教异流，不能混一矣。异派同源之理通亮，继正力补於道，天下传诵之。陆公其蛻，得其舍利千百，若鸡头实者，色皆钳碧。既而复有见之者，云政和中，通姓名以谒黄君冕仲尚书於延平，黄公素传容成之道，且酷嗜炉火，年加耄矣，语不契而去，继而使人寓书於黄，叙述甚异。其孙铨见其书，秘不尽言，独告予大略云：平叔自谓与黄皆紫微天官，号九皇真人，因校劫运之籍，遂谪於人间。今垣中可见者，六星而已。潜耀者三：平叔、冕仲，洎维扬于先生也。平叔曰紫阳真人，冕仲曰紫元真人，于公曰紫华真人。一时被谴者，官吏皆已、复於清都矣。今平叔又登仙品，独冕沉沦於宦海，凡当为人者十世，今九世矣。来世苟复迷妄合尘，则沦坠异趣，无复升迁之期。平叔明序仙契，力欲振拔，而黄公竟不契而没，惟自号曰紫元翁而已。九皇不载於天官，盖微星也。非常名而可名者，在万二千五百之问耶。

薛紫贤事迹

道源姓薛名式，陕府鸡足山人也。尝为僧，法号紫贤。云游长安，留开福寺，参长老修严，严与道眼因绿，金鸡未鸣，如何后这音响。又参僧如环，如何是超佛祖之啖，糊饼圆陀陀地。闻桔柠顿有省悟，有颂曰：轧轧相从响发时，不从他得豁然知。桔柠说得无生曲，井底沉蛇舞拓枝。二老然之。自尔顿悟无上秘密、圆明真实法要，机锋迅速，宗说兼通，且复雅志金丹道养。崇宁丙戌岁冬，寓那县青镇，听讲佛事，适遇凤翔府扶风县杏林驿人石泰字得之，年八十五矣，绿发朱颜，神宇不凡，夜事缝纫。道源密察焉，心因异之，偶举张平叔诗曲，石攫然，曰：识斯人乎。曰：吾师也。遂将语着於平叔者。平叔先生，旧名伯端，始於成都宿天回寺，遇异人，改名用成。凤州太守怒按以事，坐鲸窰。经由合境，会天大雪，与护送者俱饮酒村肆，吾适肆中，既揖而坐，见邀同席，吾笑顾此众：客方惧，彼客未成饮，盍来相就。於是会饮酒酣，问其故，且以告。吾念之曰：邓守，故人也，乐善忘势，不远百里，能迂玉趾，有因绿，可免此行。平叔恳诸护送者，许之诺，遂复丁合。吾为之先，一见获免。平叔德之，曰：此恩不报，岂人也哉。子平生学道无所得闻，今将丹法用传于子以成道。吾再拜谢，仰受付嘱。道源源闻石泰说是语已，稽首皈依，请因受业，卒学大丹，及复受得口诀真要。且戒往通邑大都，依有德有力者，可即图之。道源遂来京师，弃僧伽梨，幅巾缝掖，和光同尘，混於常俗，覬了此

事。岂患学仙道流，得遇平叔诗曲，随其所见，致有差殊。而意之所疑，又须展转，心生迷谬，莫能晓悟，孰从而语之《参同》哉。致使不敢下手修炼者，多矣。呜呼，岂平叔先生之本心哉。於是慨然首为训释，条达宗旨，通玄究微，开蒙发昧，人可率解。俾修炼者，无或差误，得证高真，作丹砂用。初平叔先生尝因获罪，誓不语人，已而叹曰：自为计得矣，非所以为道也。太上玄科曰：遇人不传失天道，妄传非人泄天宝。传得其人身有功，妄传七祖受冥考。我今斩固闭天道也，祸将大矣。不得已述诗曲，始以流传世之奇人，使读之自悟，诗曲中之意，亦隐深不可识。道源因以推广其意，为注解明白。真要洞阐，玄微法事悉备，表裏焕然，余蕴无所藏矣。然获览者，得以寻详释其疑惑，不伺咨闻，能自了了，所以成平叔先生之志也。然而道源既欲以是垂世传后，则亦将缄默，自此隐矣。获斯文者，宜加秘密，天之所宝，在在处处，自有神物营卫护持。若有志士信道明真，言行无玷，审是修行，然后付焉。金玉堆裹不可传焉，父子至亲亦勿与之。盖轻泄慢漏，身则受殃，门户有灾，子孙不祥。岂止如是，又将祸延九玄七祖，阴谴冥责，长役鬼官，永不受生。念兹慎兹，无忽。商丘老圃今是翁元王真一既缮写注解《悟真篇》诗曲，并与当时承受事迹，因编详记於后。虽言不文饰，而直书实录，庶几备见本末云。政和岁次乙未中秋日记。

泰定丁卯在瑞阳见薛紫贤注《悟真篇》，读之惘然，恨未见全本。天历癸巳归升获全本，反复读之，数年见其端倪，继蒙远方道友寄至数本勘俨，皆同注文，所驳傍门，或本作或者，或本作叶文叔，此其疑也。近刊行《悟真篇》解诸家节文，其中所引象川翁、无名子二人之注，比之所获紫贤之注，又皆同，疑其文同而人异，此疑也。宋嘉泰壬戌袁公辅斥文叔注疏，混般难考。因选择其注，究公辅所受之道，亦不过独修一物，又何斥他人哉。文叔之果是哉，何紫贤、公辅皆斥之，此其疑也。因以年月考之，道光作《复命篇》自叔宣和庚子岁得遇至人口诀。今之商丘今是翁元王真一在政和乙未记薛紫贤事迹，叶文叔注在绍兴三十一年辛巳，相隔四十七年。文叔於政和乙未或未生，或童幼，安得紫贤於四十七年之前豫指名而斥之者。又皆文叔之真谬，非他人所注，此其疑也。以是数疑，疑其非紫贤之注，而未庾然。其所注与诸家不同，而实得真人之旨。至顺辛未五月初三日，得遇金丹、药物、火候直诀，天授之也。终疑其非紫贤所注，於心未释，参问不已，旁求四方。至顺壬申秋，武陵故友传至象川翁葆光解，喜跃不已，读之累月，则前之所疑涣然冰释，确然如世传紫贤之注，实为无名子之注，迷以葆光讹为道光。何其讹传之久，而人未之订耶。何以言之真人传石杏林，杏林传紫贤为第三传，此世之知也。真人传广益子，广益子传无名子，亦为第三传，此世之罕知也。

好事者欲其所注取信当世，遂节无名子之注以传流之。显者知紫贤附於后以实之，记者曰：元王真一。二人为一人也。《悟真篇》者，仁慈之普，尽泄天机者矣。安有元王之姓，是自讹其记述之名，以惑世也。或者又曰：紫贤为僧，一名道光一名葆光。是又以光字之同，而讹以其指斥叶文叔者，今以无名子之注考之，前乎文叔未有注后乎文叔未有斥文叔之非者。无名子恐其失真人之旨，迷误后人於乾道癸巳

，冒犯天譴，謹依師旨注解篇義，毫分縷析，惟恐人迷，可謂世人節錄諸解，未見全文，又訛翁姓為老者之稱，分象川翁無名子為二人。近又訛無名子之注為紫賢之注，訛以傳訛，於其文義、年月尚不能參考其妄，安望其知仙道之真傳也哉。金丹大道之傳久矣，其絕矣。今四海混一，學仙紛紛，求其一二能聞是道者，何其寥寥也。抑紫賢此注不傳於後世乎，將予孤寡而末見乎。今無名子之注詳盡而無留蘊，世傳紫賢之注大同而多闕略，假使紫賢有注，無名子安得不援其文而反竊其全文而易以己名而傳世乎。無名子於釋月圓之義，止引紫賢二語，可見紫賢之未有注也。注者，於始於有作人事覺之注，及引無是子曰，無是即無名之訛也，可見紫賢之未嘗有注也。今訛為紫賢之今之學仙者未可以紫賢顯知、無名罕知，以重為輕也。然其師傳之真、仙道之正，二仙皆同也，皆傳之自平叔。真人斯文所在，端有神物營衛護持，安得不寶其文而珍藏之，擇其人而流傳之。因并附所記真人本末及紫賢事迹於無名子注文之後，而通辨之，庶得斯注疏者理易明、訛易革，知吾言之不妄，不敢訛傳其注也。知大道之難聞，不敢輕傳非人也。學仙有緣，因文解義，因注達旨，不迷傍門，直超大道，天之所賜，則金丹大道未嘗絕傳矣。世之又傳別本有淳熙改元九月子虛子小序，在陳紫陽序之前。其於無名子之序節去，謹依仙翁之秘旨一段。又易其後文《分三乘秘要論》，名貫卷首。其於注文增又曰：其說之要，以童男童女為陰陽、龍虎。男女之氣為先天、後天，為鉛汞，為真水火，為初弦。當天癸之年為癸生，二八為三陽備，為蟾光圓，為金鼎完，為大小無傷，為兩國全，為先天气，為外藥，誠可謂邪宗曲振而妄注之也。乃子虛子之邪宗，故不敢顯姓名。又冒先書其年月，托以無名子未言旨取於世。或曰子虛子即無名子之異號，日審如是，則無名子自相矛盾矣。且乾道癸巳次年甲午，改元淳熙，一年之間，師旨遽異，何以言之。嘉泰甲子白云子序陳紫陽，始傳斯注，相詛三十二年，注文全然純一，秘旨坦然明白，无一字邪說以揉雜之。癸巳至甲午相詛期月，即畔前注，當是時無名子未仙去，倘見聞之，必以為邪宗而攻之矣，豈有攻叶文叔而守子虛子者乎。且子虛子何不就有道以正，使其傳果正邪。無名子必自增改，又何以為增無名子未言之旨乎。是以知其妄注也審矣。學仙之士，有緣獲斯注之真者，幸明鑒而珍襲之。至元丙子中元空玄子戴起宗一仲同父謹辨。

我聞在昔有若紫賢真人闡大道之希微，拯迷徒之淪溺，道成之日，著《悟真篇》以傳于世。蓋平生之所歷，萃於此矣。學道者不率是篇之所言，譬猶適江海而離楫也。奈何世遠風微，言厲道隱。堅執傍門，以毀仙道。深蔽法象，以非真詮。由此以神仙為渺茫，丹書為漫誕，而《悟真》之書，真人之心，竟莫克明于世。乃若無名子接夫正傳之緒，念其注者訛以傳訛，復以此書注行于世，章分句釋，畦疏叮別，盡泄天机，備載其中。熟玩精思，當自得也。叔祖父自稚齡慕道，讀之有年，天啟其衷，與聞玄秘。以平日所聞於父師所授者，與夫己之所自得者，疏於無名子注文之末，俾來者得以取准焉，不至墮於渺茫而流于誕漫也。溥哉，其心乎順，夙生有緣，獲閱其書，皇為庆幸。又安得友方外之人，踏名蜡以栖真，策仙風而遐詣。安立鼎爐，呼吸龍虎，顛倒汞鉛，采之於一時，胎之於十月，空之於九載，泠然馭飞车，度弱水，跨靈螭，侍諸仙真之下風，以聞希夷之大道，以拯淪溺之徒，乃所愿

则学紫贤也。至元丁丑上巳日后学戴顺稽首书于朱湖大生洞天。

金丹法象

无名子於《悟真篇注》钻集金丹法象，比喻众名，可谓备矣。起宗推广裒集《参同契》及诸仙经论诗词，凡所假借天道、《易》象、人事、理物比喻金丹阴阳法象，分为七类，附於《悟真篇注》之下，庶学仙者易於参究，知夫内外同异之分，互为法象。五行变化之序，难以定名。明其本源之一契，其同有之实辨其异喻之名，则仙师之明，皆可以一贯之。得於此而忘真荃，由於此而成仙道，亦非小补云。至元丁丑上元戴起宗序。

阳

天日参乾

离父夫君

主妇性气

神冠魂目

火南甲午

丙二七心

花玉龙蛇

雄牡虚气

上谷物器

矩要汞轻

浮精字戊

大动表兔

刚赤呼无

奇德礼喜

赏男书暑

天魂 乾象 日魂 张翼

房六 上玄 乾马 震龙

扶桑 昆仑 诤女 长男

木媚 戊土 二南 地二

朱砂 曾青 青龙 火龙

海龙 赤凤 乾炉 玉鼎

玉池 下德 恍惚 真砂

朱雀 丹阳 朱砂鼎生於甲乙

阴

地月商坤

坎母妇臣

宾夫情境

命昏魄耳

水北庚子

壬一六肾

酒金虎龟

雌牝实液

下轴药鼎

规流铅重

沉光鸣已

小静裹乌

柔黑吸有

耦刑智怒

罚女夜寒

地魄 坤象 月魄 虚危

晁七 下弦 坤牛 坎虎

华岳 曲江 婴兄 少女

金妻 己土 一北 天一

黑铅 山泽 白虎 水虎

岳虎 黑龟 坤鼎 金炉

西川 上德 杳冥 真汞

玄武 真阴 偃月炉生於庚辛

阳中阴

震离妻臣

宾卯甲东

情仁左三

八浮肝木

女物父日魂

乌髓 姤女 人民 宾客

青娥 离女 真汞 木液

火汞 黄芽 玉液 神水

火龙 牝龙 金乌 真龙

真阴 雌母 雌阴 阴火

阳气 流珠 女青 雌火

红铅 朱砂 交梨 东二

玉芝 丹基 真火 午北

龙西 水银 天玄女 日中乌

母之血 龙弦气 龙呼虎 阴白火

火中水 红入黑 赤凤髓 流汞父

红铅精 砂裹汞 离之己 坤之中女

离中一阴 山头月白 太阳流珠 离己日光

青衣女子 碧眼胡儿 女混男形 砂中真汞

气中取水 雄裹藏雌 乌肝八两 砂中生汞

生於丙丁 气中生液 二八姤女 杳冥之精

恍惚中物 朱砂鼎内 水银 下弦水半斤

汞为砂中水

阴中阳

兑坎夫君

主酉庚西

性义右四

九沉肺金

男药母月魄

兔脂 金翁 父母 主人

老郎 坎男 真铅 金精

水金 白雪 金液 华池

水虎 雄虎 玉兔 真虎

真阳 雄父 雄阳 阳水

阴精 金华 男白 雄金

黑铅 水银 火枣 西四

刀圭 丹母 真水 子南

虎东 玉蕊 地黄男月中兔

父之精虎弦气虎吸龙黄芽铅

水中火黑入红黑龟精黄金母

黑铅髓水中银坎之戊乾之中男

坎中一阳 潭底日红 北方河车 坎戌月精

素练郎君 白头老子 男兼女体 铅中真银

水中取气 黑中有白 兔髓半斤 铅内产砂

生於壬癸 液中生气 九三郎君 恍惚之物

杳冥中精 偃月炉中 玉蕊 上弦金半斤

金为水中砂

中宫

土中五十

信意脾祖

真土 土德 土釜 元神

神宝 玄关 玄门 真铅

金母 金妃 金胎 金鼎

铅鼎 汞鼎 昆仑 大冶

乾宫 坤位 华池 神胎

神庐 母舍 戊己 灵根

圣胎 灵户 太渊 规中

辰极 混沌 丹房 气府

关元 丹田 绛宫 黄庭

黄婆 黄道 元中 玄窍

药母 丹基 冰壶 函三

星官 母胎 北海 空玄

黄家 归根窍 复命关 偃月炉

悬胎鼎 玄牝门 戊己门 造化炉

造化机 交感穴 太乙炉 神气穴

守一坛中黄宫丹元府丹枢纽

黄金母希夷府众妙门太微宫

混沌门生杀舍黄帝土德 黄中通理

后土神鼎 先天地生 混沌金鼎 黑白相符

既济鼎器 法象天地 皇上地德 先天金胎

神水华池 类如鸡子 呼吸之根 玄牝之门

天地之根 凝结之所 皇石父母 造化全窟

外药

阳君金母

虎铁主铅

亲君德 金乌 真铅

阴火 金精 麻姑 阳丹

真土 真一 真水 神水

大丹 大药 金丹 七返

九还 秋石 金华 婴儿

真人 谷神 刀圭 大定

子珠 甘露 黄芽 玄珠

玄霜 黍珠 圣胎 玉蕊

金砂 黄誉 黄池 外丹

阳精 水虎 先天气真种子

真玄牝三五一摩泥珠中央土

真父母真阴阳天五贼紫金霜

玉壶冰绛雪丹真一精第一鼎

皇酥 长生药白马牙天地髓

坎离精真一水水中金水裹铅

真主人九转丹天生芽自然体

乾坤精天地气阴里阳精 先天地精

赫赫金精 天地灵根 阴阳圣母 乾坤鼎器

坎离药物 神符白雪 壶中日月 龙池大丹

宇寅之主 雪山醍醐 坎位中心实

圣父灵母之气

混元真一阳 天地阴阳长生真精

天地混沌之根

太乙含真气 坤位生成体

内药

阴臣木子

龙磁宾汞

疏家臣 兔儿 真汞

阳火 木液 张骞 阴汞

真火 雪胎 婴儿 内丹

阴丹 玄珠 火龙 后天气

己汞火天地子气 阳裹阴精 元阳之气

金液还丹 阴中阳火 离宫腹内 金液大还

东阳造化 炉灵胎中神室 灵胎中铅汞

紫阳真人悟真直指详说三乘秘要竟